

stem abstinebat, sed Ingiomerum tenens, illo in corpore decus omne Cheruscorum, illius consiliis gesta, quæ prosperè ceciderint, testabatur: <sup>a</sup> vñcordem Arminium, & nescium alienam gloriam in se trahere, quoniam tres vacuas legiones, & ducem fraudis ignarum <sup>b</sup> perfidia deceperit, magna cum clade Germaniæ & ignominia sua, <sup>c</sup> cum coniunx, cum filius eius seruitum adhuc tolerent. At se <sup>d</sup> duodecim legionibus peti-  
tum, duce Tyberio, illibatam Germanorum gloriam seruauisse, mox cō-  
ditionibus æquis discessum. neque pœnitere quod ipsorum in manu sit,  
integrum aduersum Romanos bellum, an pacem incruentam malint.  
His vocibus instinctos exercitus propriæ quoque causæ stimulabant, cū  
à Cheruscis Langobardisque pro antiquo decoro, aut recente libertate,  
& contra augendæ dominationi certaretur. Non aliæ maiore mole <sup>e</sup> cō-  
cursum, neque ambiguo magis euentu, fusis vtrinque dextris cornibus.  
Sperabaturque rursum pugna, ni Marobodus castra in colles subduxis-  
set. <sup>f</sup> Id signum perculsi fuit. & transfugis paulatim nudatus in Marco-  
mannos concessit, misitque legatos ad Tyberium oratueros auxilia. Res-  
ponsum est, <sup>g</sup> non iure <sup>h</sup> eum aduersus Cheruscos arma Romana inuocare,  
qui pugnantis in eundem hostem Romanos nulla ope iuuisset. Mis-  
sus tamen Drusus, vt retulimus, pacis firmator. Eodem anno duode-  
cim celebres Asiar vrbes conlapsæ, <sup>i</sup> nocturno motu terræ, quo impro-  
uisor <sup>k</sup> grauiorque <sup>l</sup> pestis fuit. Neque solitum in tali casu effugium

## O B S E R V A T I O N E S.

- <sup>a</sup> Hæc sunt signa recordis, ac rerum nescij ducis, iactare se, probris in hostem non abstinere; postremo alienam gloriam in se trahere.
- <sup>b</sup> Nec magnum, nec preclarum facinus est, hostem fraudis ignarum perfidia decipere.
- <sup>c</sup> Cuius uxoris, aut filius, charifima pignora adhuc sunt in hostium potestate, ibique seruitum sole-  
rant, si sanè vecors est, si belli decus penes se esse gloriatur.
- <sup>d</sup> In magnis viris habendus est is, qui à summo duce, & validissimo, eodemque numero si <sup>e</sup> simo exer-  
citu non est profigatus, sed æquis conditionibus bellum dirimit; remque eò loci adducit, vt in ipsius  
manu sit, an integrum bellum aduersus hostem, an vero pacem incruentam malit.
- <sup>e</sup> Tunc denum magna mole concurrere dicuntur acies, cum vtrinque funduntur.
- <sup>f</sup> Qui post collatas cum hoste manus locum pugna deserit, exercitumque in loca tutâ subducit, is  
haud multum differt à vieto.
- <sup>g</sup> Et auxilium, & opem ferre non debere videor, qui me, cum eodem loco essem, nulla re  
iunxit.
- <sup>h</sup> Petitum auxilium tacite demonstrat auxiliij ferendi obligationem.
- <sup>i</sup> Quæ noctu accident, multò magis terrent, quam quæ interdiu.
- <sup>k</sup> Quo casus sunt improviſores, hoc sanè sunt grauiores.
- <sup>l</sup> Cum non modo quæ arte, manuque sunt, corruant, sed & ea, quæ ita à natura facta sunt, ut eter-  
na videri possint, collabantur, heu miseris nobis! ecquid tandem est, in quo spem rerum nostrarum  
ponere possumus? è gloriari, quod non modo quæ mouentur, sed & ea, quæ soli sunt, possides? quid,  
si motu terre, aut alio aliquo improviso grauior reque casu aut collabantur, aut diductis terris ha-  
viantur? idque adeo vt, rerum facies mutetur? sedent quippe immensi montes; eorum iuga diffundunt;  
videnturque in arduo qua plana fuerunt.